

文獻叢編



文獻叢編



明文彙編 家失厥刺諭勅祖成明


大庫爲明代遺物

原件係黃地金龍箋前書漢文後書藏文縱 69cm, 橫 90cm, 藏清實錄

大明皇帝勅諭刺麻失家攝聶

朕惟佛氏之興其來已遠西土之人久事崇信其教以空寂爲宗以普度爲心化導善類覺悟羣迷功德之著無間幽顯有能尊崇其教以導引夫一方之人去其昏迷嚮慕善道強不至凌弱大不至虐小息爭鬭之風無侵奪之患上下各安其分長幼各遂其生同歸於仁壽之中同安於泰和之世上是以陰翊皇度下是以勸善化俗其功德所及豈不遠哉今刺麻失家攝聶演如來之教法悟大乘之真詮以慈悲導一方以善行化衆類所在土官軍民人等聽從本僧從便脩行蓋弘願力丕闡宗風爲一方之人祈福並不許侮慢欺凌生事沮壞敢有不遵朕命者必罰無赦

故諭



永樂九年九月十六日

文獻叢編第十三輯目錄

明成祖勅諭刺麻失家攝聶文

清順治朝揭帖

巡撫河南等處地方羅繡錦揭帖

巡撫河南等處地方提督軍務羅繡錦揭帖

提督軍務巡撫天津等處地方雷興揭帖

兵部揭帖

湖廣荊州等處地方總兵官鄭四維揭帖

巡撫宣府等處地方馮聖兆揭帖

提督鴈門關巡撫山西太原等處地方陳應泰揭帖

巡撫山東等處地方提督軍務耿燁揭帖

總督江南江西等處地方軍務馬國柱揭帖 一

總督江南江西等處地方軍務馬國柱揭帖 二

總督江南江西等處地方軍務馬國柱揭帖三

經略湖廣江西雲南貴州等處地方總督軍務兵部尚書洪承疇揭帖

安南檔續

朝鮮迎接都監都廳儀軌續

違礙書籍單續 清乾隆四十三年六月十六日江蘇巡撫楊魁查繳

清順治朝揭帖 清內閣大庫存檔

巡撫河南等處地方羅繡錦揭帖 清順治二年四月

欽差巡撫河南等處地方提督軍務兼理河道都察院右副都御史羅繡錦爲
遵旨查明死事官兵事順治貳年貳月初伍日准兵部咨懷衛兩鎮官兵守援
府城濟孟等處頗多効死合行確查等因准此案照先准本部咨爲塘報危城
稍解事該職題兵部覆奉聖旨二鎮死亡官兵對敵與敗傷不同務將當陣力
戰死事者查明爲某人某人明列等第守城死傷者某人某人其敗回而死者
官某人兵某人備開數目但不許冒開格戰之內如查情不實罪坐查勘之人
卽史燦麟王曰俞遭戮抗節有何的據一併覈明速報以憑議恤欽此欽遵職
隨即移會懷衛兩鎮併行分守河北道確查屢去後今據道臣申朝紀呈據府
縣查報同知史燦麟係祥符縣舉人委署清化甫及兩月執法甚嚴寇薄清化
而清民郭文通等因朴責懷恨撻轡引賊尋促本官不肯從賊碎屍無跡並辱
其妻高氏不容汚玷身首異處全家僕婢俱無遺類此清化鎮守備程思仁並

衙役陳于善等所共供者也又查署孟縣知縣王曰俞係陽城縣進士同難民楊天福俱被賊縛曰俞抗節不屈罵不絕口被賊殺戮彼時寇殺人多屍骸埋壓溝井以致難認此難民易天福所親供者也並據懷衛兩鎮查過援守懷城濟孟死事官兵緣由各報到職該職看得從來爲國捐軀乃人臣之大義而忠貞不屈無如貳官之慷慨就義耳既經鎮道開報已悉無容多費費准是郭文通等引賊搜官屠戮史燦麟全家而死並辱其妻本婦不容玷污甘蹈白刃凜凜節烈似不可泯除叛民郭文通等職已另案審明依律正法外所有查過死事官兵文冊經送兵部查核外伏乞勅下該部議恤施行爲此除具題外理合具揭須至揭者右具揭帖順治二年肆月二拾二日巡撫河南都察院右副都御史羅繡錦

巡撫河南等處地方提督軍務羅繡錦揭帖

清順治二年四月二十六日到

欽差巡撫河南等處地方提督軍務兼理河道都察院右副都御史羅繡錦爲傳奉令旨事案照投順各官李際遇等家眷遵豫王令旨安置懷衛兩府其家

眷每名口日支錢糧著本院啟奏定奪業於本年肆月初六日具揭貴院明示去後今照李際遇劉芳聲劉芳厚魯好學譚一盛王時雍等家眷併各官丁家眷共一千餘名口俱於月日不等過河安置懷慶衛輝府城內居住訖前請各官丁家眷日用錢糧尙未見示動支何項擬合再爲揭請爲此具揭貴院希煩查照原係奉王諭令事理速賜明示以便遵行爲此除移咨戶兵二部外理合具揭須至揭者右具揭帖順治二年四月二十二日巡撫河南都察院右副都御史羅繡錦

提督軍務巡撫天津等處地方雷興揭帖清順治二年四月二十八日到欽差提督軍務兼理糧餉巡撫天津等處地方都察院右副都御史雷興爲土寇剿潰已清夥賊搜獲殆盡謹將確審實情分別究釋以申國法以廣皇仁事行據署天津兵備道事監督糧儲戶部主事劉餘璠呈詳審問過土寇李聯芳之賊黨徐少吾等罪名招由前來據此該職案查本年二月二十四日據南皮縣知縣姚允升申報有外來賊首張承軒混名張三梨瓜嘯踞潘家莊拒殺官

兵已經塘報一面發兵剿除去訖後因原經前督招撫李聯芳素藏禍心乘機叛亂擅殺我調取紅旗安屠我經過沂兵津南鼎沸幾至燎原職分遣將佐四出仍躬同鎮臣婁光先并標下中軍副將海時行等各擐甲星馳於滄靜南鹽一帶海濱分捉撲捉當於三月初八日具有土寇猖獗恭報督剿日期一疏題知睿覽并飛咨保定撫臣會兵截殺去後嗣於三月初九等日隨據諸將胡來觀魯澄王三錫于文科李三略韓啟元趙國祥彭世德吳康泰劉可章姜應魁張爾鏞王宏基邢有道董天長董應元張京兆等贊畫崔之全胡太寧等擒獲賊犯并妻妾馬騾牛驢銀衣等贓物前來卽發道廳審究仍具爲塘報剿潰賊情事又具爲塘報再獲賊情事二疏奏聞外該職看得張承軒以頑冥發難嘯踞拒敵（人）師旅而李聯芳原受招撫孰知狼子野心乘機復叛擅殺奉差紅旗并圍戮經過沂兵於是乎彌天之罪不可赦矣及聞職統兵親征卽泣散黨羽割棄妻妾狼狽宵遁窮猿失穴逃將安之果經保定撫臣密飭易州兵備道布伏截擒應聽該撫臣訊明具奏今夥黨賊孽相繼捕緝俘囚纍纍職念仰仗

朝廷不殺之神武廓清巢窟又仰體皇上愛民之仁恩寬恤協從行令道廳虛公鞠訊得嘯聚負隅橫戈逆戰并肆行劫財如徐少吾張三綱等五十人或梟或斬各服上刑又訊得威驅勢逼情有可原或無知誤犯如張三落劉二等四十人或配或杖咸當厥辜至于諸賊家屬十四口仍待以不死以廣好生而株連男婦三十八名口即釋發寧家以恤無辜其逃賊家屬二十三人尙在候結庶大法申大恩沛而聲教所被莫不畏威懷德天下不足平矣惟是職以迂劣庸才不能宣布德化消弭頑梗使郊圻童叟共樂含鼓之休乃致小醜跳梁弄兵潢池職溺職何辭且首難之張賊漏網職猶競競自訟不已也仰荷睿鑒不加督責反移任重鎮以寵榮之此職之幸實職之懼不知何以捐報聖恩于萬一也招由繁冗不敢妄塵御覽除備咨刑部覆擬外謹會同保定撫臣王文奎順天按臣傅景星合詞具題爲此除具題外理合具揭須至揭帖者順治二年四月日

兵部揭帖

清順治六年四月二十日到

兵部題爲懇辭營務伏乞代題以安愚分事湖廣總督羅繡錦題前事奉皇父攝政王旨兵部知道欽此欽遵鈔部送司案呈到部看得李春芳旣云能調兵輯伍與民相和又何云不能武事相應照舊供職不准其自辭營務者也除具題外理合具揭須至揭帖者順治六年四月日兵部尙書劉餘祐固山額眞左侍郎明阿達理左侍郎李化熙右侍郎孫承澤啟心郎祝萬年高登第職方清吏司郎中圖賴范達禮主事張逸

湖廣荊州等處地方總兵官鄭四維揭帖

清順治五年十月

鎮守湖廣荊州等處地方總兵官都督同知鄭四維謹揭爲恭報死賊南遁彝陵已復事竊照隻虎各賊聯絡并逞環逼三面職以荆兵孤單屢次具題塘報蒙欽命定南將軍固山額眞佟統領大兵於九月初九日抵荆救援隨即發兵前去彝陵兩路堵探職等一同商酌整備舟楫將次水陸并舉以圖撲勦不意死賊聞風於十月初五日撤營南遁職即於初七日發彝陵營遊擊張文體領兵防彝去後先據鄖襄撫標中軍程尙俊下守備袁思成自賊營逃回口稱先

於七月二十六日自河溶失利被賊擄入營內聞說馬進忠等請虎賊往常澧
仍將譚賊船隻發上新灘留王二王三與姚黃朱經略王昉生接住施歸建始
一帶今初五日各賊起營前往常澧成乘夜逃回等情據此該職看得死賊肆
逞不軌之謀窺荆已久今一日撤營宵遁皆賴我皇上皇叔父攝政王洪福得
仗定南將軍固山額真修之聲靈故兵不血刃而死賊南走也但賊情最狡向
往叵測況王二王三姚黃譚王與僞朱經略俱住施歸建始一帶更有余大海
李鶴子暨僞督師呂大器上割夔關凡此衆賊皆據荆之上游雖已熾之賊氛
稍緩而未靖之鯨鯢終可慮也職一面殫力堵防外事關地方軍務除具題外
理合具揭須至揭帖者右具揭帖順治五年十月二十一日鎮守湖廣荊州等
處地方總兵官都督同知鄭四維

巡撫宣府等處地方馮聖兆揭帖 清順治五年十一月初七日

欽差巡撫宣府等處地方贊理軍務都察院右僉都御史馮聖兆爲叛丁倡亂
旋就削平微臣統兵回鎮恭慰聖懷事竊照赤城之變除調度分剿事宜節次

塘報外職於十月二十一日統兵親馳剿賊二十二日會滿洲大兵於龍門城賊皆奔遁竄伏各官陸續搜獲俱解領兵兎章京軍前審明正法二十六日抵赤城職先經傳諭各城堡村屯凡有叛兵潛匿許從實首報原屬善良招撫回家時入城男婦已二千餘人而叛兵混跡其間者頗多職同兎章京設法擒拏梟示連前龍門擒斬計已過半然後安戢居民各歸本業而大兵於十一月初三日啟行職亦於是日還鎮即擬奏聞并參疎縱各官正繕疏間本月初五日適接兵部一咨內稱喂馬之處先奉明旨草料官買夫役僱募今赤城激變或未與工銀強行派役抑或以銀僱募令之供役也其叛逆之人或全被打罵抑祇及一二人或叛兵借口過言或道備見營兵譟叛駕言以卸責滿人乎如果未與工銀強押人役滿洲亦難逃罪若已給工銀不係強派祇據叛兵口說遂爲傳言則言者之罪亦安能辭應行該撫鎮確察詳明具報議奪面奉聖旨如議行欽此備咨到職該職看得赤城兵譟倉卒變生仰厪宸衷暨皇叔父攝政王淵慮微臣親即行間共大兵削平禍亂不致蔓延滋毒及振旅旋鎮自當先

行入告亟慰焦勞至於起事之由據該道備塘報所開載合之微臣之查訪其根因同異大概已得八九今准部咨敢不再一確察并擒殺賊數緝逃善後與夫應參各官統照咨內情節查明另疏彙奏若職濫膺節鉞撫馭無能赤城僅距二百里之遙卒有營丁之意外職不勝跼蹐亦惟有束身席藁恭聽皇上皇叔父攝政王之處分而已緣續入部文字稍逾格仰祈鑒宥爲此除具題外理合具揭須至揭帖者順治五年十一月初七日右僉都御史馮聖兆

提督鴈門關巡撫山西太原等處地方陳應泰揭貼

清順治十二年三月廿八日

欽差提督鴈門等關兼巡撫山西太原等處地方都察院右副都御史陳應泰爲續報勦撫賊情事案照平陽地方渠魁張五等賊前發滿漢官兵入山搜勦獲捷情形職已具疏題報外職慮尙有未靖餘孽終屬地方隱憂仍須勦盡根株方保永永無患遂嚴飭平陽道將不時入山搜勦仍於所屬州縣各鄉村嚴查賊窩盤詰奸宄去後於順治十二年二月二十三日據守巡河東兩道左參議班璉副使蕭應聘塘報據安邑縣申稱卑職仰遵憲令親詣各村清查至小

店村查有景其楨者曾投張五做賊今搜勦事敗歸藏於家即差總領劉太代捕大使陳桂帶領快手人等於本月十七日圍村搜拏景其楨持鎗拒敵被太等齊擁捉住並其楨弟景其祥子景任子仍搜獲張五所給參將僞劄一張上寫永歷六年號帶二個上寫忠義營三字弓一張箭三枝到縣審得景其等景其祥賊招稱通賊年久其楨原領張五劄付改名光先常常做賊又招張五原在猗氏縣王廷若家窩藏今王廷若不知去向隨將景其楨等解赴兩道會同城守章京趙和諾將景其楨等三名審明正法訖又准平陽營副將許占魁手本內稱本協差領兵長隨官邵應麟陳殿邦等於正月三十日前赴垣曲聞喜一帶深山搜勦今據陳殿邦等招來降丁一十三名又據邵應麟等招來降丁五名於二十二日出山等情據此本年二月二十七日又據兩道塘報准平陽營副將許占魁手本內稱遣發長隨官邵應麟徐文魁陳殿邦并巡寧道中軍張卿下百總惠尙文領兵進山搜勦於二月初三日至盧子溝遇賊李圈鬍子等一十三名官兵將賊盡行殺死得獲馬四匹長鎗十三杆又據徐文魁在花

花山招降賊張得奉等七名婦女二口等情據此本年三月初七日又據兩道塘報准署平垣營撫標左營遊擊苗成龍報稱二月二十五日蒙平陽營許副將發下署平垣營中軍事徐文魁解驗招安降丁二名薛化龍李虎隨青騾馬一匹療病老瘦不堪又花騾馬一匹等因據此本年三月十二日又據兩道塘報准平陽營許副將手奉據長隨官張進才招來降丁一名白康供稱山賊被兵勦殺四散還有扒山虎一股八十餘人逃竄遠山荒林藏身本協遣發長隨王承祚等領兵一百名就令白康引路入山於三月初四日至平陸縣地方小龍潭果有賊八十餘名踞險我兵拚命奮勇殺死扒山虎等二十四名活拿賊二名李盛吾鄭貴餘賊扒山逃走奪獲鐵盔一頂長鎗十五杆錫鈚二把重傷官兵五名王承祚右手一錫張秀頭上二刀張鎮右手一錫郭俊左脚一箭白康右手一刀王承祚負傷仍督兵丁緊追賊尾務期剿盡回營等情據此本月初六日又據兩道塘報准平陽營許副將手本據長隨王承祚等報稱於三月初六日將兵分爲兩股一股追襲一股抄斜迎頭緊連賊踪趕至乾溝對敵殺

死賊二十名拿獲小子二名奪獲驢一頭綿甲二十副鎗十杆刀十二口錫一把賊見我兵奮勇扒山竄林逃生卑職督兵不分晝夜緊連四日於本月初十日追至木掀溝賊料難逃請逃招安卑職等立誓今招降賊王廷秀等三十七名等情塘報到職據此又據平陽營副將許占魁塘報相同據此該職看得平陽賊寇倚恃山險嘯聚多年爲害地方實非淺鮮前發滿漢官兵已將渠魁張五陣斬並剿殺多賊獲有大捷矣所有餘孽職嚴責平陽道將極力搜剿以淨根株如有悔過投誠卽仰體皇仁准與招安宥死乃該道左參議班璉副使蕭應聘副將許占魁俱能實心奉行拮據調度節據塘報安邑縣拿獲僞參將景其楨等二名已解赴該道同城守章京趙和諾審明斬訖而餘賊李圈鬍子扒山虎等逃竄入山復被平陽營副將許占魁遣發長隨王承祚邵應麟張進才徐文魁陳殿邦百總惠尙文等督領兵丁入山追剿節次共殺死賊五十七名活擒二名前後共招降丁六十五名除職票行守巡河東兩道分別安插外其婦女二口小子二名如係被擄之人許查明親屬給領完聚奪獲馬四匹驢一